




雷

音



雷
古有
民欲
政教



雷音序

古有採詩之官陳詩之典皆王者惻怛斯
民欲因以知其情之憂樂俗之善敗用助
宣政教而已願三代盛時無人不興於學
而女師傅姆之訓且及于閨門故即勞人
思婦之詠歌皆有溫柔敦厚之意而非後



世詩人之所及自漢以降此風寢微凡工
比興嫻吟咏者類出於學士大夫而下此
罕聞焉其溺於藻艷無關風教者固多其
有感時指事以述其土俗興于怨刺則民
風吏治亦往々可攷而見况以一邑之詩
考一邑之事其見聞真而諷諭切不尤有

得於古采詩陳詩之義哉

荔扉剛府奇

士也以詩文擅名者二十年今古大雷勤
民之暇不廢纂述乃蒐輯邑人所為詩文
自龍石樓太史而下至山林布衣凡數十
人皆錄而刊之名曰雷音而竹軒張君為
之序其推明荔扉之留心人文者甚至雖

杜登聖先生哺嬰菴酪之喻無以加焉予
謂荔扉之愛惜人文如此則其所為愛民
者愈可知矣州縣之難為未有亟於江北
者也荔扉之輯是編也雷池之風土民情
可坐觀而得

國家太平百六十餘年矣計此邑百數十年中

物產之登耗民俗之雕朴刑賦之簡繁征
發之舒數略見於編大吏以此知治之難
易令以此知其民之憂樂俗之善敗即以
當采詩陳詩可也是則荔扉之志也夫
嘉慶丙寅穰八月金谿楊謨撰于安徽臬
署之靜虛堂

雷音序

子游宰武城夫子首問得人以此知人之係于地蓋非偶然也夫十步之內必有芳草地不乏人非生之難得之爲難耳始予讀鮑參軍大雷岸寄妹書已壯斯邑之形勢而余忠宣又謂其風俗清美天資忠義益心企焉前年訪荔扉先生爲授餐者數月得曠覽山川古蹟意此間人殆磊落英多者耶時先生方成二餘堂叢書邑人之文居其四採其文則必採其詩其文美詩必佳也今又見是選彌歎先生之留心人才不遺餘力如此夫振興文教而欲立

之標準莫若以其鄉先輩倡之楷模切近不慮岐趨宜爭
自濯磨矣乃吾更有感者窮鄉僻壤之士足不出里門姓
名不越州黨冥心師古邈然獨得其深于詩爲何如彼不
求人知亦不爲人所知遂至棄寘廢帙中聽其滅沒者何
可勝道自先生有此選而苦吟之士莫不以見收于宗匠
爲幸且取則不遠寧復有厚自菲薄者因是而文士之著
述皆將藏以有待其子弟于父兄之遺稿雖片紙數語亦
加珍惜學道愛人不已有明徵歟雷音卷十二

乙丑重陽前五日滁州張葆光竹軒氏拜序于小停

雲館之東牕

雷音

積學齋徐乃昌感書

大雷池長滇西師範采輯

龍

燮

字理侯號改菴一號石樓應康熙己未博學鴻詞科官翰林擢中允旋改大理寺評事稍遷刑部員外工部郎中記名知府卒于京邸有改菴詩文集四十餘卷和蘇詩三卷江花夢芙蓉城各一種

翰林院中古槐歌

燕京老樹最難得
檜愛香山松報國孤高未免山澤癯
雨壓風摧少顏色
眼中奇絕獨此槐不計歲月知誰栽
百尺蟠根豈塵土
五雲多處真蓬萊
白玉堂中青玉案
瓊葉瑤枝共璀璨
低垂鬱鬱作虬龍
直上森森拂霄漢
偃波下有

鳳凰池帶雪遙連鵲觀墨卿詞客日相過世事流光幾
回換院中何物鬪葱菁後堂栢在雙亭亭二栢乃柯竹岩先生手植今呼
學士栢學士風流杳難繼賴睹手澤思儀刑嘆我栖遲偶來
此似浮滄海一葉萍校書已愧對藜火視草敢冀居槐廳
直攀木杪歌一放碧天萬里風冷冷

悼施愚山

垂髫已耳愚山名半生未識愚山面歲在敦牂過石頭報
恩寺中始相見披衿握手如故交贈予詩歌手題扇 詔
書催迫赴京華奏賦未央同上殿名高自合受 主知子

亦濫隨金馬彥一列官曹垂五載屈指惟君交最善晨趨
龍尾接衣裾暇坐雞臆呼筆硯每逢節序有佳招綠雪瓶
香供茗戰予不善飲愚山嬾拙予爲衆所媮君謂庶幾古
狂狷長安冠佩若雲浮獨保歲寒心一片昭亭不待拂衣
歸六十流光驚抹電瑤宮銀闕事恍惚塵海茫茫君豈戀
風流墜矣典型亡使我煩傷淚如濺

送汪舟次奉使琉球

萬里扶搖此壯遊咲看滄海拍天流歲星不比尋常客莫
漫乘槎犯女牛

食櫻桃走筆呈愚山

臨邛四壁宦情微，茹蘗如君亦自稀。
送與含桃三百顆，料無人說是珠璣。

舟中望廬山

乍覺羣山小，匡廬到眼中。
斷雲低野馬，飛瀑挂長虹。
杳靄烟嵐氣，鬼竅造化功。
何年塵事了，應許細探窮。

尤悔庵假旋次韻送之

載筆登朝拂袖歸，行藏雅志不曾違。
詎同賀監垂黃髮，知乞歸年已八十畧似君房去。
紫微橙橘滿山香，自遠蒹葭映水露。

纔睇扁舟一葉秋，風裡鷗鷺忘機也共依。

與制臺徐公話皖江舊事

公舊爲皖撫

石城持節皖公鄉，恩被東南未敢忘。
一自旌旄移鄂渚，至今耆舊護甘棠。
年來媿乏秋鴻羽，歲晚何辭夜雪航。
不信一官寒似水，依然松桂讀書堂。

許時庵自蜀中典試回過武昌書此送之

朔風吹起雁紛紛，此地維舟喜晤君。
海內幾年推月旦，蜀中多士得淵雲。
莫將搖落談時事，且共壺觴對夕曛。
此去長安逢舊侶，別來消息未相聞。

萬柳堂修禊次益都相公

三春何處好尋幽，負郭林塘豈別求。
丞相軒車花外至，野人簑笠雨中遊。
橋添綠漲杯宜泛，石掃蒼苔句可留。
江左蘭亭那足羨，此身彷彿在滄洲。

哭陳檢討其年

酌君雙淚忽盈杯，猶憶掀髯咲口開。
舌鮮微詞真長者，文工儷體亦奇才。
遺書安得童烏守，故里還看白鶴回。
寂寞祇須論萬古，北邙山下總蒿萊。

贈王司成阮亭

朱門畫戟半軍容，槐市依然舊鼓鐘。
幾載泥塗悲胄子，一朝山斗得儒宗。
談經雀解銜鱸下，好事人多載酒從。
見說講亭虛座久，太平天子欲臨雍。

為梅太僕桐厓題像

次王阮亭先生韻

江城南接宛溪居，烟水盈盈一帶如。
却到金臺同把酒，欣看彩綬已垂魚。
圖披八駿追前輩，王元美為太僕時繪八駿圖于壁坐倚雙桐讀異書。
紫陌誰言塵似海，飄然風度自紆餘。

白鷹

西番所貢

奇才舊說海東青，纔向丹青睹白鷹。
雪色由來難點染，霜

威只是欲飛騰搜羅入貢原無價搏擊扶搖最有能萬里
沙頭稀出獵幾回仄望暮烟疑

送鄭山公先生祭告會稽

稽山舊鎮浙西東祭告今看禮數崇五色香烟隨使者萬
年碑字紀神功休嗟禹穴書零落剩有錢塘氣鬱葱北望
翠華諸父老移花疊石意何窮

時車駕將幸越西湖上花草臺榭一新

二為兄五十兼志老母之感

兄弟追隨五十年挑燈共坐對床眠雖然取次俱通籍畢
竟飛騰早着鞭宦跡最難常聚首流光容易各華顛停杯

忽憶當年事彩袖雙雙繞膝前

雪舫齋為默庵學士賦

高秋雨過淨纖埃喜見君家雪舫開郢客詩歌原絕調米
顛書畫本多才閒披鶴氅憑牕几好種瓊枝傍砌臺咲我
西軒殊偏仄扁舟空繫楚江隈

校史偶成

三百年來久治安累朝文獻未凋殘風雲際遇功名易竹
帛昭垂氣節難本為太平資掌故敢云予奪任毫端自從
班馬淪亡後千載寥寥幾史官

偶展先太史遺書泣然書此

舟回昨日自章門執手依然笑語溫猶戒治裝趨上國豈
知投箸罷朝殮百年未了諸孤累半秩難酬罔極恩淚眼
已枯腸斷絕殘書雖在不堪論

留別高霖蒼臬使

風標嶽立已稜稜及接雄談益服膺墨吏始知三尺法霜
臺何異一條水濡毫夜月當軒白攬轡秋江遶郭澄倦客
自憐將北首無由東閣屢趨承

平陽地震紀災

乙亥夏

平陽舊堯都地實天下脊旣庶且蕃饒樂土自疇昔下有
汾水環上有藐姑射衆靈久栖止一氣所蒸積未與塵劫
逢何獨罹茲厄亥年月建巳丁酉日之夕牡鑰夜沉沉比
屋安衽席有聲動地來鯨呿巨鰲擲大塊一漂危底處容
跼踏泉流湧四郊睥睨摧百尺無堞可棲鴉奚必問居宅
低檐與高棟一掃付陳迹塵市俄邱墟恍若干歲隔閭閻
今已矣陷壓痛蒼赤生者無完肢死者誰招魄一萬八千
口頃刻爲枯骼汾雖壯哉縣半耗生齒籍他若襄與洪猶
俟文移覈可憐瓦礫堆往往啼孤隻猿鶴并虫沙悉化寒

燐碧我觀五行異一一載書策地動已非常而况此傾蹶
陸沉邁奇災視昔相什百上天非甚怒詎使坤維割昨聞
渙恩膏使者方絡繹垂死緩須臾難起溝中瘠大千一泡
影造物本戲劇獨抱杞人憂茫茫欲安適

王阮亭先生招集限韻四首

招招向何許拂冠不遑正携予袖中詩此事異華競苟非
忘班階何由恣談詠颯然涼颼來晚空碧如鏡

又

安石信奇偉長源始仙儒寄迹朝宁間雅志在江湖停杯

話所歷若列几案隅予懷頗浩蕩庶幾公之徒

聽先生談
華岳匡廬

及蜀中
山水

又

我如玉川子飢弄三百月時時老友過相對醒睡兀聞公
含雅量一舉觥船竭惜哉心最懽倦客工消渴

先生善飲
酒予不能

三蕉葉啜
茗而已

又

華筵歌白紵富兒醉紅裳誰知淡生活中有趣味長低枝
拂檻淨晚色侵階涼半日此淹留足洗終朝忙

紀夢

蟲飛薨薨燕唧唧西窗獨眠上朝日有客登床來促膝絲
綸口銜溫且密久不見生旁珥筆渠一角巾原坦率文詞
彷彿班揚匹日者移官蓋非黜盍住召之詣宣室且視案
頭書幾帙聞言涕下汗流出愧異元某與白乙十幾年來
叨祿秩卽爲曹郎分殊溢投以赤心思報栗祇恐一旦霜
露疾外貌雖踈此中實 九重知臣臣願畢客忽翩然
交臂失寤書坐右其逢吉建巳之月日初七

擬古

讀劉誠意感
春詩作此

蹈海非難溺湘可重室藏身鍾埋我青田豈非天下才也
慕倏然恨羈鎖嗟嗟死生亦大矣誰不戀生翻樂死男兒
在世須奮揚百年休論短與長廉頗老不如周郎

荔枝引

輓輸終日無停軌堆案文移催料理廳前走馬貴人來年
少額真戴翎子出迎欲揖嘲儒酸連檣大舶河之千載將
荔枝三十樹纍纍結子枝頭丹黃麻搓繩朱漆桶每擡奚
啻百鈞重雨歇泥深道逶迤驅使千夫若雲擁 宸遊
別苑時未回水花岸草爭妍瑰忽見紅香嬪好咲知是荔

枝初進來上林百果稱第一直壓楊梅與盧橘豈知土產
各有宜踰歲彫零難結實我皇不貴山海珍擁麾持
節皆大臣志圖報獻詎在此何必疲煩一路人

送岳邁亭

大江浩浩岷峨來波瀾激蕩聲喧豗鹿門峴首奚足道上
有七十二朶芙蓉開山川靈氣發奇秀自昔往往稱楚材
三年一更學使者君被持簡輜軒催瞭然眼光大手筆士
如望嶽依三台屈原賈誼但荒宅須君力振風雅頽黃鶴
樓中赤嶼下我嘗登眺携酒杯扁舟恨未洞庭去至今夢

寐猶溯洄安得還倚木蘭棹與君携手一上瀟湘臺

梅淵公寄畫松賦荅以此

用阮亭司農瞿山畫松歌韻

昔居山堂多喬松鱗虬鬚虎交拏空我日繞樹千百匝江
花江草徒織茸青鞋又復踏燕市久不見此蒼髯翁瞿山
老友尙念我自稱野鶴呼游龍

瞿山寄詩云天上龍游常作雨江邊梅老獨含情

寄我溪藤一大幅開械但訝烟雲濛疑君捉得琴高赤鱗
鯉擲作易水貫日之長虹細看森森樹千丈猶帶嶺雪搖

溪風

琴溪千秋嶺俱在宣城

蜷枝直幹勢鬱怒放筆意欲惺頑聾瓌

姿硯磊難逼視秀氣溢射將騰衝泠泠寒飈起天末似聞

仙狗夜吠雲濤春吁嗟乎我不願受大夫封亦不願爲十
八公但願歸去北山之北東籬東與君長結歲寒侶採肪
飽食紺雙瞳朝華夕萎紛何窮

蝗七月十七日
蝗飛蔽空

雨止斜陽裡涼生宴坐中氣纔消野馬聲忽亂飛蟲災歎
昔多有室閭今已空誰言臣職異自媿素飡同

耳鳴

閉眼聊危坐琅然玉石音師襄疑在耳荷蕢豈無心共說
憂勞致還疑歲月侵何當泉石畔洗罷一長吟

履春坊任卽事

廳事連朱邸墻陰俯御河

詹事府前臨玉河
右卽顯親王府

流澌催臘盡

茲地得春多碑字留前代袍花綻舊羅十年簪筆吏况味
復如何

買棘刺搭墻書此

僻巷寡僮僕穿窬常夜過不辭籬插棘猶勝戶張羅桃李
色徒艷刺芒功最多乾坤無棄物只在用如何

鉄脚

細鳥纔堪握誰將鉄脚名軀微原易飽網密自難生造化

無私意王公有大烹寒儒茅屋下動息亦關情

進花

九華開別觀五柞起離宮未及高粱淀居然錦繡叢水光
千頃碧花艷四時紅萬里珍奇產爭來獻此中

書玉峰少宰慎藥詩卷

西南苓朮半吾鄉

皖上諸山皆產藥

三十年來未敢嘗每得中醫

因不治曾看壽骨化爲殤毫厘便易成差謬追悔應難救
病亡試把碧園詩細讀千金何用越人方

增壽庵看牡丹卽事

日日紅塵逐馬蹄故人

朝退共追携休辭白髮來花畔

無限青山在郭西一局敲殘僧榻夢雙丸彈落燕巢泥祇
因我輩容疎放槐柳森然有客齊

除夕前一日代書荅建安公

明日之日歲云除打門者誰來送書虛疑雲海一鴻雁絕
勝錯刀雙鯉魚寒燈累夕吐花酸稚子三朝思彩裾正月一日
爲三嗟乎何以報君子獨立搔首中踟躕

酬殷彥來

儻居馬市任喧嘩隱几悠然坐紙窻天下窮愁非我獨淮

南國士得君雙新篇誦罷才難及偶語拈來意已降不信
詩書真麴蘖老夫終日對空缸

日日出東門

日日出東門橋邊石鱉存誰設䟽鑿事流水帶沙渾

又

日日出東門灣洄水抱村好栽荷十里綠葉大如盆

又

日日出東門依然舊榻溫每嗤王介甫思奪謝公墩

又

日日出東門官僚亦弟昆階前看躍馬遮莫子陽尊

又

日日出東門連山霧氣昏已嗟泥折軸又值雨翻盆

又

日日出東門牽舟 帝語溫也知非放逐澤畔易銷魂

又

日日出東門從朝直到昏有誰堪共語一片斷碑存

又

日日出東門秋原獵騎奔輿旁三尺隸揮喝只雞豚

又

日日出東門霜風樹半髡一肩兜子裡猶作凍鴟蹲

又

日日出東門糧車萬馬屯東方飢不免此意與誰論

又

日日出東門惟思返故村釣魚供晚饌披褐足冬溫

又

日日出東門由來耻飽溫祇餘風兩袖相伴菊花尊

看奕

莫訝樵柯爛纔看一局棋長安多變態不到奕終時

又

縱無關得失頗亦費探尋萬事旁觀好吾將返舊林

讀書八首

踈簾小几紙窻明匡坐疲時又起行留得看書雙眼在從他白髮滿頭生

厄蔡圍匡道已窮天然真樂在其中簞瓢蔬水人人有一着搜尋費許功

尼山筆削自深嚴無奈紛紛註疏添善讀只須觀大義不

求甚解似陶潛

采葛投瓜亦美談如何一例作滌耽調飢思婦懷春女幸
得編詩在二南

精義微言李伯陽世儒休漫比蒙莊一從問禮宣尼後孺
子堪教僅子房

六王愚暗差相等三國英雄又一時安得奇才似瑜亮祇
堪廝僕是秦儀

春至花開黃鳥歌滿懷拍拍是天和伊川不及堯夫處只
爲安排意思多

探尋不覺日西斜三尺奚童忘煮茶也解偷將殘帖去煤
爐臺畔學塗鴉

無題

七年光景轉頭過猶記東堂食子鵝儋石雖無劉毅在貴
人泉下竟如何

呂大峰談遼左舊事

掘塹鈎車策亦長中朝催戰羽書忙斫營鉄騎從山下一
夜浮屍滿海洋

金忠謀略雅非凡援絕鋒摧血滿衫父老至今猶痛悔不

從城上磔高監

謂高啟潛也

酌乳盈鍾手解貂降臣東面謝新朝可憐富貴今安在羸得邱張萬世標

送廖以恒還閩中

一囊書劍自隨身漸向東南漸少塵此去莫愁歸路遠長安多少滯留人

洗粧樓

隋蕭后嫁突厥為閼氏

百尺朱樓十二闌閼氏紅粉已銷殘絕勝昔日隋皇后老改宮粧嫁可汗

樓與白塔相近遼后事亦未確然都人至今傳之

通橋懷古

運河直接便門東立牖開渠自郭公

元世祖二十八年始命郭守敬開運河

舊跡半湮誰料理却教人憶至元中

又

白浮河水幾滌回

河發源于昌平之白浮村

流入麗莊運道開見說平

江疏治後漕舟曾抵大通來

成化中平江伯陳瑄疏治運河漕舟直抵橋下

又

運車絡繹入朝陽

漕米皆由朝陽門運入京倉

折軸泥中馬半僵雨夜

挑燈繙舊跡祇今何處覓吳張

明御史吳仲巡按張新

又

沿河非墓卽山莊故國居民久散亡看到蓬萊水清淺能
消幾日化田桑

又

環橋如帶碧波澄閱過朝家幾廢興異物窩中知在否時
逢野老泣思陵崇禎王申四月橋下水涌有白物類犬下馳至小聖窩而伏

又

墻連公署周遭在隸說先朝積貯多一自壞爲蒙古廐惟
聞跑馬站鳴馳署後圍墻數里明設倉堆粟今止存空苑蒙古放牧于此

又

繡衣使者罷巡倉老樹空亭倚夕陽舊設倉院院後一亭曰瓦舫窻額猶存
賴是盛朝知此意牧人多愈病牛羊

又

別邸池臺直萬金看花昨日六飛臨裕親王園在慶豐開河上今夏車駕兩幸園中
鹿園亦在橋東畔草樹淒迷不可尋金章宗鹿園在橋東

今爲藍
龍殿

龍光字二爲號茗麓石樓胞兄康熙丁未進士官中書出爲太原府同知又補臺灣府同知請老歸壽登大臺一時推爲魯靈光云

余夙因凌波池中老人也魂夢往來時常彷彿昔明
皇作凌波樂府池中老人踏水鳴謝至今秦人能言
之池委八百餘里襟殺函而吞終南真靈窟也茲偶
有所感詩以紀之

偶爾設靈境如親夢去程萬峯攢月小千頃印天青晦夕
蛟疑戰晴空蜃作城如何貪一出豈信爲蒼生

幸有莊生蝶來尋故國春宿靈迎舊魄古海濯新身倚夢
翻成覺憑空竟得真天心何太促不讓老鴻輪

奔塵原是客醒後識真吾水國波還易潛宮境或殊游仙

方欲晦伏蟄合應俱底事遭天女將花着老瞿

踈狂逢衆怒漫只說今儒被謫緣多慧鍾靈又不愚山川
成隔世歲月值窮途搔首空長望生吾有意無

丙辰秋泛西湖正值擾攘之後觸目蒼涼不堪回首
詩以紀之

鎮日湖邊許泛舟參差的是畫中遊六橋芳草屯征馬四
照迴廊看牧牛古塔半頽餘影瘦綠楊枯盡幾株留葦蘿
已老風流絕寥落青青杜若洲

茶竈水壺每共提放舟多傍藕花谿林逋墓側空招鶴白

傅祠前看鬪雞細雨斜飛雙槩亂微雲一抹兩峯齊最憐
亭畔平沙渚無數蓮心出印泥

坡公堤上草芊芊寶馬香車憶昔年幾識鳳山騰紫氣但
知雀舫費青錢子皮歸去誰堪與蘇小魂消那更妍却怕
飛來峯欲去空門徒有躍龍泉

堤邊日日看牽黃一嘯風生脫碧蒼幾管蘆笳吹別浦數
羣鐵騎駐橫塘到來索酒睨長劍誰肯當車作怒螳莫訝
西施魂已斷病餘惟卧老僧牀

三面晴霞繪碧峯湖山故故滯雲踪誰從天目占飛鳳擬
向錢塘問謫龍紅女驚聞寒蟋蟀黃花妬殺老芙蓉秋思
無那憑清夢怕聽空山報曉鐘

同王省齋入直

爲直鸞行人禁遲三垣列宿煥當眉雙龍吸露常啣柱老
鳳披雲始到池愛月朗吟青玉案看花獨對紫薇枝在公
夙夜休言瘁况正宵衣宴罷時

水輪纜上禁城初獨踞螭頭揀素書江左風流憑有汝閣
中仙照可因子雞人向曉傳銀箭 鳳詔連朝下玉除漫
訢星移還草賦長門原自重相如

殿角初晴鬪晚暉
臂鷹天半抱雲歸
書生竟夕搖簪筆
羽卒千羣卧瑣扉
玉笛暗飛聲帶恨
丹心欲訴語多微
石欄倚遍全消夏
病骨臨風幾着衣

強將詞賦瀉鸞箋
組繪徒工五鳳前
豈有玉堂宵不寐
爲憐桂魄影初圓
爭題翠袖當年事
高枕絲綸此夜眠
却笑銀壺緣底事
泠泠催月過花磚

丁丑春奉

上諭自道府以迄州縣有操守清廉

愛民能事者着薦舉引見余亦列名人覲有紀

禁苑祥光繞檻紅
虞絃習習起薰風
章回銀漢原天上
輝

動星文正斗中架
水虹橋銜玉柱凌
烟鴛瓦燦珠宮雕
蟲愧附長楊後皓首
重趨鳳闕東

玉檻梧桐葉正飛
明霞分曙昏彤闈
霜楓樹色搖

丹陛畫省花光綻
紫薇路入廣寒僊
樂近風清瑤島世
塵稀靈槎昨夜星
河落報道天孫織
袞衣

叢桂香生曉色寒
皇輿鸞喙五雲端
露華滿貯金僊

掌桐葉新飄玉井
闌中秘摛詞題月
殿六曹起事領秋
官丹心未老頭先
白羽曲霓裳幾得
看

宮袍新着廣南紗
旭日煙籠御柳斜
露滴翠旗輕燕拂
風

清鈴索乳鶯譁水盤賜出三冬雪金錯分頒五色瓜暑氣
全消深殿裏鸞坡日永判黃麻

長樂霜鐘遞遞鳴千官緩佩玉階行水晶宮冷雲猶凍太
液水涵殿欲明御氣向晨通紫極列星依斗拱神京肅清
天上寒如許應有霓裳奏五城

採茗

昨夜新雷發旗槍碧一林剪英妨雨後選莢入雲深色借
三分火香生一片心玉甌聊試翠鴻漸或知音

摘果

落實尋常事乾坤小別離剪除先出色剝擊復藏枝痛癢
根應切甜酸蠹預知盈虛乘物候還爾未生時

贈周西水兵部兼以留別

不料乾坤內猶然有素心車塵生定慧桑海論升沉大隱
棲金馬孤懷抱月槩淮南叢桂好先爲掃雲岑

二

豈必抽簪得躬耕亦野臣救時宜放胆謀國好膺鱗辟穀
英雄累籠紗慧業因乘風須破浪天地一勞人

別張敦復學士

載筆會同賦二京蹉跎霜鬢尙淒清誰家殿陛容官舍獨
汝臣鄰竟友生宣室夜設毋草草獻陵面折始錚錚廢颺
此會真千古漫憶山前學種杭

和田綸霞督學雙蓮寺高閣晚眺

縵縵石樓臺滾滾長江水水色互山容萬象斜陽裡天風
下海門宜城一丸耳何人拂釣竿擊楫寒濤尾公瑾墓烟
重片月窺潮起

咏崇惠觀照地梅

萼綠仙子古人用比
綠萼梅蕊珠仙宮名

一枝倒挂蕊珠烟道士移看已數年自是素心偏照水不

將冷面去朝天壽陽俯首粧無敵萼綠低眉態更妍恰似
羅浮陪飲夜東風扶起玉人眠

悼松

名玻璃松
雷火焚去

可是騎雲返大荒忽摧真並哲人傷令威若化歸來鶴定
向西風唳夕陽

二

看來疑是老龍憑突兀支離得未曾莫訝寒山留不住白
榆天上少青青

趙北堤上口號

長安到此三百
里有湖光之勝

彷彿江南二月天碧湖芳渚草芊芊風塵到此全無恙忘却金臺住兩年

半灣籬落荻為扉雨過鋤沙補釣磯競說今年潮信好桃花未放鱖魚肥

赤腳佳人掉小舟數聲欸乃雜吳謳車麟夢覺頻傾耳錯認雄州是智州

小閣何人度玉簫停鞭買醉解金貂雙鳶故故穿欄去不管銷魂在板橋

王應珮

字韻瑤康熙己丑進士由縣令歷官御史

賑饑行

河南河北夏無麥天災上聞 帝心惻一紙頒來市野

譁 帝曰發我倉廩積許東小吏聞 命喜單騎沿

村問民力村村老弱菜色多環坐告哀覓朝食口以萬計

籍如山一月分糧數千石直教放賑到秋收恩波盡起溝

中瘠吁嗟救饑如救焚矯詔發粟彼何人矧讀 綸音

意肫切施惠惟速且惟均赤子疾痛呼號急撫摩噢咻忍

弗親自顧鳩拙不勝任敬宣 聖德須勤勤百輛牛車

郊野載四境人家烟火新願共許東千萬戶夜夜焚香祝

紫宸

贈沈心周同年入都

吾鄉沈子姿絕倫腹笥淹博通天人詞源浩瀚瀉江海筆
陣縱橫追漢秦坐擁臯比講經義後生北面爭問津天老
其材作國棟干霄直上登 楓宸不乞木天纂書史扁
舟歸泛西江春西江南楚遊殆徧把卷高卧秦淮濱放懷
山澤富紀載探囊那復嗟長貧我愧駑駘曾附驥十載聚
散思芳隣邂逅蘭溪卽言別 丙申春予將入都雲水迢迢
踈羽鱗今夕何夕忽會面鬚眉如舊情如新此去 帝

城良不遠翩然鳧舄飛青雲計日分符治大邑三年報最
稱良臣君不見沈休文高潔寡嗜慾聰明親典墳建昌縣
侯封爵顯尙書僕射寵遇尊依然儉素自立東田宅郊居
一賦今猶存先生性情如一人隨處爛熳皆天真臨岐相
約異日五柳下解衣磅礴快論文

中秋夜卽席得開字

是夕二更
月始出

永輪今夕滿坐待碧雲開酒帶秋光吸詩憑夜漏催屏風
燈映畫水榭鏡升臺觴政閒中舉笙歌醉裡迴良遊羣彥
集嘉客二難來 謂方盥
若問亭 亦有登樓興深慚庾亮才

過汴梁口書所見

霖雨秋霑汴水邊農家耕織喜逢年黃雲遍隴收新黍白
雪盈筐拾熟棉河伯正橫梁北岸陽烏頻虐許東偏時許
邑又
苦早征求用二疲奔命利濟誰生萬井烟

卽事三首

兩河民苦饑驅之走四方何方有遺粒汝墳與南陽男兒
擔破釜橐底無餽糧携婦復抱子乞食官道傍此邦歲屢
儉誰與分水漿日計數百口老羸餓且僵安忍視秦越目
擊悽中腸捐糜煮石粟施食隣禪堂境內啼饑人奔走如

蟻行瞻彼來牟熟天意猶茫茫黽勉呼將伯勿徒自蓋藏
撫字鮮良術忍復猛催科輸將乃不前國賦將如何窮黎
向余泣旱魃枯秋禾晨夕且枵腹黃流揚其波伐柳更束
薪輓運填大河筋疲力已竭縣胥中夜過家家有逋糧何
以免嚴訶賣牛牛骨立典衣乏綺羅磽田售無主彼亦沾
之他斯言良可哀吏事胡煩苛疾痛不遑恤揮袂淚痕多
有客江鄉來長途淹積雨坐令千里程廿日困行旅見說
長發嗟仰首問天宇東南膏澤足青苗茂田圃鄭魏人何
辜災祲及吾許三時旱未休乃倉無粒黍榆皮強作羹槐

雷音 卷一
實那堪煮播種雖及時微霰不入土土乾苗且枯履畝泣
農父待食方嗷嗷何以供甌釜彼蒼自好生拯此游饑苦
涼德吏當誅胡俾民失所滕六布同雲陽烏毋見阻

驅蝗行

飛蝗飛蝗何處來突入我許東南隈薨薨揖揖飛更集六
七十里罹其災今年六月連陰雨雨我田疇茂稷黍爾蝗
蹂躪復餐餐不念艱難與辛苦督民戮力亟驅除搖旗擊
鼓呼烏烏晝夜于田守且望儼如禦暴如追逋黃河密邇
許西北胡不爲魚逝樂國勿留我土食我田我田旱久食

不得爾如不去攫我怒網羅火弇一朝具滅爾族類無孑
遺縱曰傷和殊不懼昨日鄰封水決河今朝隴畔飛蝗多
嗚呼東南飛蝗西北水那堪食盡民膏髓

秋郊

秋郊遍地蝻蟲生飛飛趨趨何縱橫撲之匝月不能滅食
粟如與吾民爭疾痛切膚不速去因循怠慢真愚氓朝昏
督責舌且敝更與交易計斗升窮黎愛錢罔惜力競負囊
橐填溝阬八蜡祀增劉猛將沿村設主陳香馨石大中丞所傳諭也
連朝風霧蝻僵死神功人力交相傾東南蟲傷且過半枵

腹何以酬深耕吏德不修蝗入境累汝百室無盈寧彼蒼
傲予良可畏違計况瘁躬弗勝救饑恤災分內事履畝徒
切心怍怍

呈嵇少司馬松友先生

台星焜耀俯高嵩令望真齊北斗崇五夜鑪香明澹泊兩
朝天帝簡公忠衮衣共仰丰裁迴使節重瞻錫命隆饑溺
心勞疏瀹裏流離隱達繪圖中文衡晉魏懸水鑑策定河
山躍叟童久向薊門依霽月今從洛水浴春風簿書吏作
千夫長畚鍤民趨百日工爛額敢希恩澤及纓冠祇爲戚

休同幘幪謬荷憐迂拙指點能教醒贖孽倘許鷓鴣隨鳳
翼吹噓容易近蒼穹

次茗麓先生見懷韻奉答二首

香山棲隱處樓閣是仙居絃上明秋水胸中理異書笑看
桑海變識破宦場虛聞道童顏駐丰神鶴不如

愧我風塵子勞勞廢寢餐驅蝗鞭病馬抱土築狂瀾嘉遯
思鳩杖遙情逐鴈翰何時皖公樹許擇一枝安

金陵唐義方爲余重圖小照感而賦之

謁選游京華康熙歲丁酉吾鄉楊繡衣客有丹青手寫我

把釣圖科頭傍溪柳半生泉石癖流露十八九毫端肖厥
神觀者肯其首諸公各贈言淋漓題卷後携此來官齋時
復展虛牖今年暑雨多泥塗苦奔走一日小偷間邂逅鍾
山友長夏吹清風歡然話詩酒爲余重寫生相看問肖否
壯盛不如人倏焉成老醜晤對舊圖中形容非吾偶石上
釣魚郎憐余開笑口閱歷幾春秋蹉跎近衰朽遽憶二茗
巔欲向松關扣感慨今昔殊惆悵一以久過此又十年疑
作白頭叟再展茲圖看其色得無忸

辛酉四月望日引

見圓明園勤政殿蒙

恩

簡補宗人府主事恭紀排律一首

皇州首夏似深春共倚薰風觀
紫宸御沼蛟龍含雨
出上林鷓鷯拂毛新心傾葵藿依明照身比樛材備簡掄
敷奏恪共顏咫尺垂詢再四語絲綸欣聞
帝命咨元
宰許仰天潢侍
懿親一令十年縻祿久
九重隔歲
荷
恩頻已未冬引見翱翔敢擬青雲客色笑還添
白髮人竊媿寸長無報稱更教駑馬策清塵

十一月廿六日引

見乾清宮蒙

恩簡授御

史自分謫陋慚懼交并恭賦七言二章用誌

殊

遇兼述鄙懷

奉職迂疎愧老成

賢王辱薦予官評

和碩裕親王保送註以人老成辦

事勤考語登

朝未厠鴛班久接武旋分豸服榮

帝世已

知無闕政臣心豈敢濫虛名一經在笥徒株守惕息奚由

答 聖明

晝日初長觀

紫宸

時冬至後二日

比肩十友被

恩新

同日

拜簡命者十人觸邪那肯懷瞻顧附勢常羞獻笑嚔

王事不

遑將阿母

天書何處慰先臣上林時見棲鳥哺暗理

私情未敢陳

引路松

蒼松環古道勁節自年年狀幻難成畫濤翻恍聽泉重陰

深護客老幹直叅天想見栽培久甘棠擬共傳

春前一日東郊訪春至北臺寺看照地梅

不知春信來何處訪得沙堤柳欲黃煙樹北城浮紫氣旌

旗東郭迓青皇偏驚日暖如三月已見梅開領眾芳步到

招提花更古低垂疎影照禪房

